

ZAPISNIK SA 23. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U UTORAK 26.10.2021. GODINE

Prisutni: Damir Smital; Neda Tadić; Džemal Kahrlica; Elvis Čengić; Dragan Miljević; Mustafa Baručija; Nihad Arnautović; Edis Fočo; Mubera Herac; Samir Gadžo; Josip Sogović; Rifat Kukić

Odсутni: Sadin Kavazović; Merima Kurtović Pašalić ; Mensud Grbo— **opravdano**
Omer Bukić; Ekrem Agić— **neopravdano**

Dnevni red:

1. Zapisnik sa 22. sjednice
2. Aktuelna situacija u BHRT-u
3. Finansije
 - Izvještaj blagajnika (D. Karšić)
 - Adriatic
 - Prijedlog za isplatu pomoći članovima sindikata (D. Miljević)
4. Pomoć

AD 1. D.Smital je na osnovu člana 35. Statuta Samostalnog sindikata radnika u BHRT-u, u 13.03. sati otvorio 23. sjednicu UO SSR u BHRT-u. Dnevni red je jednoglasno usvojen.

M. Herac je imala dvije primjedbe na zapisnik po tački Aktuelna situacija u BHRT-u.

Prva primjedba se odnosila na dio u zapisniku koji se tiče informacija o uplati doprinosa. Nakon intervencije D. Smitala i E. Čengića da su to informacije koje su dobijene od menadžmenta, M. Herac je povukla primjedbu.

Druga primjedba na zapisnik M.Herac je bila da se na drugačiji način formuliše njeno pitanje koje je postavljeno na 22.sjednici. E.Čengić je istakao da je cijeli zapisnik urađen prema tonskom zapisu kao i poslovniku UO. D.Smital je mišljenja da se svaki zapisnik kao i posljednji rade u skladu sa poslovníkom i da bi u ovom slučaju trebali promjeniti sam poslovnik ukoliko bi mjenjali nešto iz istog. J.Sogović je istakao da bi se u tom slučaju moglo pisati da je NN osoba postavila pitanje na sjednici. Nakon duže rasprave, N.Tadić je predložila da se unese izmjena “M.Herac je istakla da vlada nezadovoljstvo među radnicima zato što se u vremenu kada je došlo do smanjenja boda primaju novi ljudi.” Ovaj prijedlog je UO sindikata usvojio sa 9 glasova za, 2 protiv i 1 suzdržanim.

AD 2 . D.Smital je informisao UO o sastanku predstavnika SSR u BHRT-u sa menadžmentom BHRT-a, 22.10. 2021.godine na kojem su bili prisutni Belmin Karamehmedović, Dženita Jusufbegović, Damir Smital i Džemal Kahrlica. Teme sastanka su bile: finansijska situacija u BHRT-u (kredit, doprinosi, ugovor sa EP BiH),zimmica (novogodišnji poklon), dnevnicе, plaćanje rada na praznike, kolektivni ugovor, restoran, radnici na ugovoru itd.

Rukovodstvo sindikata je postavilo pitanje za neuplaćene kredite radnika, koji su dio neto septembarske plate. Generalni direktor je iznio argumente da su morali uplatiti doprinose za avgustovsku platu, te da zbog toga nisu uplaćeni krediti. Obećao je da će do ponedjeljka (25.10.) biti uplaćene kreditne obaveze radnika. Također je dodao da je BHRT izgubio 2 sudska procesa (stara više od 8 godina) i dobio izvršne presude od kojih samo jedna iznosi oko 150 hiljada KM. Ukoliko se pogorša finansijska situacija menadžment razmišlja o prestanku produženja ugovora o djelu i ugovora na određeno vrijeme. Doprinosi za zdravstveno osiguranje su uplaćeni do aprila 2021. za radnike u Sarajevu, a za radnike u ITC-ima i u RS-u do jula 2021. Kada su u pitanju doprinosi za PIO potpisan je sporazum sa poreskom upravom da se stavi moratorij na plaćanja za PIO iz prethodnog perioda, ali da BHRT od avgustovske plate redovno uplaćuje doprinose za PIO. Generalni direktor je iznio da je veliki problem nedostatak sredstava koja je po ranijim dugovanjima na rate uplaćivala FRT, koji je sada izmiren. Također predstavnicima sindikata je rečeno da su dugovanja FRT po osnovu iznajmljivanja prostora i ulaganja u opremu oko 13 miliona KM za koja još uvijek ne postoji sporazum o plaćanju. Kada su u pitanju dugovanja RTRS-a, u sudu u Banja Luci je 15.10. održano ročište za tužbu BHRT-a protiv RTRS-a za dugovanja iz 2020. i 2021. godine. U tom procesu ostale su da se još održe završne riječi. Za ostala dugovanja ročišta bi trebala da budu do kraja godine. BHRT i FRT su dostavili EP BiH prijedlog produženja ugovora o naplati takse, te čekaju njihov odgovor. Menadžment je iznio i da su dogovoreni zakupi u MUX-u A, u iznosu oko 50 hiljada KM.

Po pitanju dopisa sindikata za uplatu zimmice (novogodišnjeg poklona), odgovor menadžmenta je da još uvijek razmatraju tu mogućnost.

Kada je u pitanju problem isplate toplog obroka i dnevnica, u slučajevima kada se radnik vrati sa terena naveče, a isti dan radi smjenu, menadžment je prihvatio sugestiju sindikata o isplati toplog obroka za taj dan, ali su također iznijeli da nisu dužni isplaćivati dodatnih pola dnevnice.

Za dopis sindikata vezano za povećanje dodatka na platu za praznike, nedjelje i noćni rad, odgovor menadžmenta je da se to ne može realizovati u sadašnjoj finansijskoj situaciji. Predstavnici sindikata su tražili odgovor u pisanoj formi.

Sindikatu je od menadžmenta prosljeđen odgovor, u pisanoj formi, od strane ZAZA d.o.o. (zakupca restorana) na dopis sindikata po pitanju rada restorana. Menadžment je predložio da predstavnici sindikata održe sastanak sa predstavnicima zakupca. Također predstavnicima sindikata je rečeno da je FRT prestao da plaća svoj dio troškova za renoviranje sneka na II

spratu, te zbog toka kasne radovi i otvaranje sneka.

D.Smital je predložio da se održi sastanak sa predstavnicima restorana i nakon kraće rasprave jednoglasno je usvojen prijedlog da predstavnici sindikata na sastanku budu D.Smital, Dž.Kahrlica, N.Tadić i J.Sogović.

Kada je u pitanju Kolektivni ugovor, menadžment je iznio tezu da kolektivni ugovor ne može potpisati generalni direktor, nego osnivač. Obzirom na apsurdnost takve teze, kao i da Parlament BiH, koji je osnivač BHRT-a, trenutno ne funkcionira zbog aktualne političke krize, predstavnici sindikata su tražili da se sindikatu u pisanoj formi, u što kraćem roku dostavi mišljenje BHRT-a po tom pitanju, kako bi sindikat mogao konsultovati svog advokata i preuzeti daljnje korake.

D.Smital smatra da su sva dešavanja oko prijedloga Kolektivnog ugovora cirkus i kako je istakao osjeća se kao magarac poslije dvije i pol godine rada i ganjanja sa menadžmentom u vezi prijedloga sindikata, jer je menadžment nakon skoro 2 godine od prijema prijedloga Kolektivnog ugovora problematizovao potpisnika ugovora, umjesto da je to uradio u startu, ako smatraju da je to problem. Istakao je kako će kada dobije u pisanoj formi odgovor menadžmenta, od UO sindikata tražiti mišljenje o daljnjim koracima.

E.Čengić je istakao problem službenog puta za eng ekipe u toku dana i iznio je primjer da jedna ekipa za jedan program putuje u danu u Goražde bez dnevnice. Od jednog od producenata je dobio obrazloženje da nije moguće da ekipa dobije dnevnicu ili pola jer nema dovoljno sati na putu (8 sati). Istakao je da drugi dan druga ekipa za isti program putuje u Konjic i dobije pola dnevnice pa je očigledno da zavisi ko je od producenata na dispoziciji.

U tom slučaju kako je istakao E.Čengić ekipa se u jednom danu može poslati u Neum, obaviti snimanje i javljanje za program i vratiti se u 8 sati bez naknade za put. Obzirom na odgovor menadžmenta koji je u skladu sa zakonom, predložio je da se organizuje sastanak sa glavnim producentom i odgovornom osobom iz sportskog programa kako bi se pokušao interno riješiti ovaj problem. Nakon kraće rasprave, ovaj prijedlog E.Čengića je jednoglasno usvojen.

AD 3. Blagajnički izvještaji D.Karšić za septembar 2021. godine je primljen k znanju.

- Izvještaj M.Herac o poslovanju sa Adriatic osiguranjem za za septembar 2021. godine je primljen k znanju.

Evidentirano je 8 registracija što iznosi 163,67 KM povrata za sindikat.

- D.Miljević je predložio da se za sve članove sindikata izdvoji jednokratna pomoć od 50 KM zbog teške finansijske situacije svakog člana sindikata i zamolio da se UO očituje na ovoj sjednici. D. Smital je predložio predlagачu da se odgodi glasanje po ovoj tački iza Nove godine. D. Miljević je odbio taj prijedlog i tražio da Upravni odbor glasa. Nakon duže rasprave, prijedlog D.Miljevića nije usvojen sa 6 glasova za, 3 protiv i 3 suzdržana. D.Miljević je nakon glasanja napustio sjednicu i istakao da će uputiti zvanično dopis sindikatu i da neće više učestvovati na sjednicama UO.

AD 4. Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec oktobar 2021.godine dobiju slijedeći članovi: Trbić Emir 400KM (II dio), Pavlović Boris 250,00 KM (I dio), Morić Amra 300,00 KM, Avdić Sead 500,00 KM Ukupno 1.450,00KM.

Za rođenje djeteta komisija je predložila da poklon bonove DM-a u iznosu od 200 KM dobiju Muamer Harbaš i Jasmina Bešić. Ukupno 400 KM Poklon bonova DM-a Prijedlog odluke komisije je usvojen sa 10 glasova ZA. Jedan član UO nije glasao.

Nakon glasanja E. Čengić je iznio primjedbe na rad Komisije za pomoć. Nakon duže rasprave u kojoj su učestvovali D. Smital, E. Čengić, M. Herac i R. Kukić, zaključeno je da predsjednica komisije M. Herac na narednoj sjednici prezentira Upravnom odboru podatke o jednom od slučajeva koje E. Čengić smatra spornim.

D.Smital je zaključio 23.sjednicu UO Sindikata u 15.05 sati.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital